

*Quod felix faustumque sit!*

DISPUTATIONEM INAUGURALEM

DE

# FEBRI PE- TECHIALI,

Consensu & auctoritate splendidissimi Medicorum  
in inclytâ hâc Salanâ Collegii,

*SUB PRÆSIDIO*

*Viri Nobilissimi, Amplissimi, Excellentissimi  
atque Experientissimi.*

DN. GEORGII VVOLFF-  
GANGI WEDELII.

Med. Doctoris ac Theoret. Professoris publici decantatissimi,  
gratiosi sui ordinis Decani spectatissimi, Medici Ducalis  
Saxonici felicissimi, S. R. Imp. Academiae Naturæ-Cu-  
riorum Collegæ meritissimi,

*Dn. Patroni, Præceptoris ac Promotoris sui perpetuo  
cultu ac observantiâ mactandi,*

PRO LICENTIA,

Summos in arte medicâ honores, insignia ac privilegia  
Doctoralia legitimè impetrandi,

*publicæ disceptationi subjiciet*

JOHANNES GUILLIELMUS Sighorn/

Gothâ-Thuringus, ibidemque Practicus,

*Ad d. 17. Jun. A. S. R. c. l. c. LXXIV.*

*In Auditorio Magno,*

*horis ante- & postmeridianis.*



DISPUTATIONEM IN ALCANTARA

# FERRE TECHNICAL

Constitutio & auctoritas ipsiusdem Medicorum  
in iudicio et sacro Collegio  
1788 PRAGUE

Viri Nobilissimi, Augustissimi, Excellentissimi  
acque Reverendissimi

## ON. GEORGIUS VVOLF- GANGI WEDELLI

ed. Doctoris ac Theoret. Professoris publici decreti summi  
gratulationis ordine Doctoris spec. iur. et spec. medic.  
sacrorum Collegiorum et R. mag. et professoris Naturae Co-  
nominis Collegii medicorum  
Dr. Theoret. et spec. iur. et spec. medic.  
cuiusmodi et quales et quomodo

### PRO LICENTIA

summos in arte medicis honores, insignis ac privilegia  
Doctoralia legitime impetrandi,  
publicae disputationi subijcit

## JOHANNES GUILIELMUS GIESBORTI

Coth. Theoret. et spec. iur. et spec. medic. Professoris  
ab 17. Jan. 1788. 1788  
in Aulicis Magnis  
habetur et possidet



I. N. J.

## PRÆLOQUIUM.



X innumeris calamitatum myriadibus, quibus humana vita exposita est, non ima, sed prima jure meritissimo tenent subsellia BELLORUM TUMULTUS.

*Bellum, inquam, res verè belluina;*

*Monstrum horrendum, informe, ingens,  
cui lumen ademptum,*

potentissima regna, florentissima imperia, fortunatissimas respublicas diruit, immensas opes devastat, evertit, vel in alienam potestatem redigit; quin immanes hominum strages facit, humanumque sanguinem, tanquam aquam, profundit.

Nihil tam sublime, tam decorum, tam sacrum aut sanctum, tam munitum, quod effera hæc bellua cornibus suis non dejiciat, dentibus conterat, rostro polluat & configat, unguibusque dilaniet atque conculcet.

Hujus crudelitatem hodieque plurimi ducatus, provinciae, ac potentissimæ respublicæ damno nunquam compensando sunt expertæ & adhuc experiuntur.

Non multò minorem sævitiam exercent in microcosmo innumera morborum agmina. Alia communi furore totas pervagantur gentes, urbes alia, pagos, familias. Quin *quisque suos patimur manes*, quisque hostem in sinu suo sibi fovet & alit.

Horum verò capitalium pacis, quam instructissima corporis nostri civitas, ejusque membra colunt, & cum quâ bellè sibi est, quâ etiam



*divitiæ nequeunt regales addere majus,*  
hostium, alii fundamenta, ædificium totum sustentantia, *ossa*  
puta, incurfant: alii plateas, *membra* seu *artus* premunt: alii  
moenia, *cutim*, impugnant: arcem alii, *caput*, cum suis excubi-  
toribus, *oculis*, & exploratoribus, *auribus*, impetunt: alii in  
portas, quæ necessaria introvehuntur, *os, nares* irruunt: alii in  
incolas, variis negotiis, commerciis, opificiis, &c. occupatos,  
*viscera*, grassantur: alii denique ipsam ipsius reginæ, animæ  
scilicet, regiam, *Cor* invadunt.

Ut verò adversus hostium insultus, publicam hancce  
concordiam turbaturos ipsa vindicetur, ex tantâ hostium  
turbâ unicum INAUGURALIS EXERCITII loco depel-  
lendum sumere, ejus naturam, originem, &, quibus auxilio  
divino debellari possit, arma pervestigare, & publico confi-  
ctui exponere constituimus.

Hærenti autem, cui dica sit hac vice scribenda, en! atro-  
cissimus, qui plurimis hætenus de plebejâ non modò fece,  
sed viris etiam in sublimi dignitate constitutis, & de patriâ  
insigniter meritis fatalem nuncium misit, hostis, FEBRIS  
PETECHIALIS sese nobis offert.

Morbus sanè, truculentiâ, malignitate, periculo quoque  
eventu, idque eò magis, dum ipsam vitæ regiam, ac splendi-  
dum animæ palatium aggreditur, & infestat, nulli secundus.

Huic pro ingenii viribus contraire, obistere, & eundem  
e corpore humano extirpare conabimur, quod bene evenire  
jubeat, & annuat supremum Numen!

## CAPUT I

# Definitionem nominalem aggreditur.

Antiquitatis laude celebris est *Epicteti rom. i. dissert. Arrian.*  
*cap. XVII. sententia: Αρχὴ τῆς παιδείας ἡ τῶν ὀνομάτων*  
*ἐπίσκεψις, principium doctrinæ nominum disquisitio.*

Nomen itaque nostro affectui est FEBRIS PETE-  
CHIALIS.



Quà ETYMOLOGIAM, Latini omnes uno vocabulo febrem nuncupant, à verbo *ferbeo*, quod idem est ac *ferveo*, est enim veluti fervor quidam seu fervescentia, quâ corpus fervet & æstuat, licet *Paracelsus lib. 1. paramir. cap. VI. tom. 1.* erroneè nomen à fervore deduci scribat, quòd ille saltem sit signum morbi, non materiæ, non causæ.

Mittimus alias derivationes, ceu nonnulli à *febris*, lustrationum festo apud Romanos, deducunt, unde & *Februarius* mensis, quo ab omnibus piaculis urbs lustrabatur, purgat enim & febris corpora; vel etiam à *feritate*, quam in corpus nostrum exercet; vel denique à *pisce*, qui *febris* dicitur, quòd manu captus è vestigio febrim excitet, quo tamen rejecto, statim homo liberatur.

Græcè febris *πύρετος* dicitur, ab igne seu Vesuviano æstu, calore igneo ac incendio; aliquando simpliciter ignem vocat *Hippocrates*, quin & per *πύρετον* febrem plurimis locis intelligit, quasi non habeat aliam naturam, præterquam igneam, ob intensum & præternaturalem calorem, quo corpus affligit. Verùm licet vehementissima febris eandem ferè naturam habeat, quam ignis, & propterea *πῦρ* dici possit, non tamen re ipsa est ignis. Neque enim, si verè ignis esset aliqua febris, animal eâ laborans vel ad momentum vivere posset; ita tamen appellatur analogicè, quia magis, quàm alii morbi ad ignis naturam accedit, & quod ignis animalis calore extraneo inquinetur, seu calor noster natus juxta *Galenum* in igneum convertatur, *i. aphor. comm. 14.*

Aliàs *πύρεξις* audit, quasi *habitus* seu *dispositio* ignea. Hanc nominis rationem confirmat *Galen. lib. de caus. morbor. cap. 2.* quod si, scribens, in totum corpus extenditur calor, tunc hujusmodi affectus *febris* nuncupatur, quæ est veluti quædam totius corporis immoderata caliditas.

*Avicenna* inquit: *febris* est calor extraneus, accensus in corde, & procedens ab eo mediantibus spiritibus & sanguine, per arterias & venas in totum corpus.

Alterum vocabulum PETECHIALIS dicitur à *petechiis*, seu maculis, quæ febrim hanc, circa quam occupati sumus, insignire semper solent.



Vox *Petechiæ* in Latio aliàs non usitata, usû tamen recepta, à Græco verbo *πέττω*, *extendo*, *pando*, *explico*, vel *πετάω*, *volo*, derivari potest, quia maculæ istæ per universum quasi corpus expanduntur.

Alii ab Hebraicâ radice *פֶּתַח* quod significat *aperire*, eâdem ferè significatione derivant, vel quod his ipsis *petechiis* fores quasi malignitati *aperiri* & *pandi* innuant, alii ex Hungaricâ linguâ natales vocis arcessunt.

Quoad HOMONYMIAM febris dictio latè patet, pro variis febrium differentiis. Hoc loco non *latissimâ* significatione, pro quâcunque *Φλογώσις* accipitur, nec latè pro febre in genere, vel in specie malignâ, seu Hungaricâ; sed κατ' ἐξοχὴν illam febrium speciem denotat, quæ additâ *petechiarum* voce determinatur, & cuius formalis ratio ex subsequen- tibus mox dispalescet.

PETECHIÆ VOX latiore acceptione omnes maculas & exanthemata sub se complectitur, quocunque etiam titulo sive criticè sive symptomaticè in febribus malignis se exerant; In specie verò pro illâ febre malignâ κατ' ἐξοχὴν sumitur, in quâ maculæ *petechiæ* dictæ, semper conspicuæ esse solent.

SYNONYMA prostant varia apud diversos autores. A nonnullis enim dicitur *puncticularis* Aëtii, *peticularis*, *stigmatica*, *pulicaris*. Nominatur etiam *lenticularis*, *purpurata*, vel in abstracto *peticula*, *Martian. comment. in Hippocr. pag. 308. lenticula*, à *Langio lib. 2. epist. 15. appellationibus desumptis à similitudine*, quam hæ maculæ habent cum lenticulis, puncturis & mor- sibus pulicum. Nonnulli etiam *purpuram* & *purpuratas* febres nuncupant, in primis *Neueranzius*, qui videri etiam quoad hæc pluribus potest, *lib. de purpur. cap. 2. pag. 11. & 12.*

A *Galenô* juxta quosdam *exanthemata sicca*, aliis *pseudope- stis*, vel *semipestis*, item *lues Pannonia*, quod in eâ primùm in- crebuisse dicatur, advertente *Jonstono Syntagmat. med. pract. part. 3. lib. 2. tit. 7. cap. 2. Artic. 3. appellantur.*

Germanis audit *ein Fleckfieber* Gallis *le pourpre*, quia ut plurimum maculæ illæ videntur rubræ.



## Definitionem realem exhibet.

**A**bsolutis iis, quæ ad nominis explicationem faciunt, progredimur ad ipsam DEFINITIONEM FEBRIS PETECHIALIS.

*Est autem Febris Petechialis intemperies totius maligna, in quâ macule pulicum morsibus similes, variorum colorum, subrubræ tamen ut plurimum, in cute, præcipuè circa dorsum, collum, pectus, & in brachiis cum gravibus symptomatibus apparent, à peculiari sanguinis corruptione.*

**GENUS** seu **RATIO FORMALIS** est *intemperies, eaque maligna*, unde sub februm malignarum censu primo loco militat.

Adesse intemperiem totius, & calorem extraneum modo & gradu superaddito accedentem naturali, adeoque uno verbo febrim, patet I. *ex essentialiter inherantibus in omni febre requisitis*; I. *calore præternaturali*, & 2. *pulsu naturali frequentiore*. II. *Ex post essentialibus, symptomatibus, actionum scilicet læsarum modo, siti, vigiliis, &c. cap. VII. de signis recensendis.*

*Intemperies itaque hæc consistit in malignâ quâdam dispositione similariū partium, unde nec ad primarum qualitatum *κρίεργειαν* solum reduci potest, licet non sine qualitatibus primis, sed ipsis quoque mediantibus agat.*

*Malignam esse, adeoque ex acutarum quoque numero, indicant malignitatis postulata & circumstantiæ, siue respiciamus *κακότητεαν*, subdolam & dolosam larvam, quâ fallere apta est, signa quippe sæpius offert saluberrima & sanis corporibus similia, præter ea verò unicum vel alterum etiam, quæ omninò lethalem naturam & conditionem ostendunt: quæ sane signa sic mixta, semper occulti & veneni & periculi præsaga sunt: siue magnitudinem & vehementiam, majora enim & graviora, quam ratione essentia & naturæ febris alias comperunt, symptomata profert, tum in se, tum ratione inæqualitatis, nam incertam & instantem obtinet naturam, & ob id incerta & inconstantia iudicia; unde & sævissima sympto-*



symptomata sæpe majus facessunt negotium & periculum, quam febris ipsa : Quod proprium est malignarum febrium & venenosorum morborum. Hinc, uti jam innuimus, non injuriâ *pseudopestis* & *semipestis* à quibusdam febris hæc appellatur : *sive* periculosum statum, quem inducit, & vitæ maximas struit insidias, & remediorum virtuti non æquè obsecundat.

Quoad *speciem* febris notandum, utut continua semper esse soleat, nec interpolationem perfectam paroxysmorum patiatur; ratione tamen quarundam exacerbationum eam ferè *continuum tertianam* æmulari solere.

### CAPUT III

## Subiectum determinat.

SUBJECTUM hujus febris ut indagemus, ordinis ratio postulat, & necessitas, tum, ut morbi sedes ac natura pateat, tum, ut parti maximè succumbenti eò promptius succurri possit. Illud vel est

UT QUOD, *totus homo seu corpus vivens*, singulis animæ humanæ potentiis instructum, hoc enim reverà & κατὰ ἀλήθειαν febris laborare dicitur. UT QUO, *corpus humanum*, ut totum integrale ex partibus suis aptè dispositis constans. Hoc totum in febris hæc afficitur, singulæ enim partes calore febrili uruntur.

Sed cum Hippocratis elogio lib. de loc. in hom. textu 2. n. 1. Τὸ σῶμα & τὰ μέρη ἐκαστὸν τοῦ σώματος ἐτέρῳ ὁποῖον ἐνταῦθα ἢ ἐνταῦθα ὁρμηθῇ, καὶ σὺν τῷ σπυλινῷ ποιεῖ, singulæ corporis partes altera alteri, ubi hinc aut illinc processerit, morbum statim faciat, operæ pretium est, in

SUBJECTUM PRIMARIUM Febris Petechialis inquirere, ut constet, quænam corporis nostri pars πρῶτος καὶ κυρίως, primò & principaliter in febris hæc laboret, & an illa in cæteras partes omnes tantum æstum diffundendi vi polleat?

Istud COR esse in nostro affectu, & autoritatibus & rationibus probari potest.



*Autoritas sufficit ex infinitis aliis unius Galeni, qui lib. 1. de different. febr. cap. 3. & 28, inquit, ἔγκανσις, ἢ ἀπὸ τῆς ἡλίου ἐέργειαι ταύτῃ ἐχὼ ὥσπερ ὁ γῆρας, καὶ ἀντίκα πυρετός ἐστι, εἰ μὴ συνενθέρμαίνῃ τῷ καρδίᾳ, sive enim exustio, sive solis operatio, calorem in corpore excitet p. n. nondum tamen febris est, nisi cor unà calefiat.*

*Ὁμοίως* est alter Galenus Salanus, B. Rolfincius, qui ord. & meth. cognoscendi & curandi febres gener. cap. XXIV. nec non ord. & meth. consult. lib. IV. Cons. 4. & sequentibus, præcipuum febris subjectum esse Cor, latius asserit, adeò, ut, etiamsi reliquæ partes calorem habeant non naturalem, is verò ad Cor non pertingat, nunquam oriatur febris; statim autem atque ille cordi communicatur, febris tum demum suam nanciscitur denominationem.

Cor verò cum pars organica sit, & ex pluribus diversæ substantiæ constet partibus, designandum erit, secundum quam maximè patiatur.

Facimus hîc itidem cum B. Rolfincio, qui loco cit. consult. 12. non solum partem contentam, sanguinem, præprimis portionem ejus calidiorem & Æream, utpote ad febrile malignumque incendium promptissimam; verum etiam & præcipuè solidam cordis partem, septo propè apicem conterminam, in qua est calidi nativi sedes, motusque pulsus principium, affici testatur.

*Rationibus* idem probari potest, desumptis à cordis actionibus laïsis.

1. à calore. Cum enim Cor fons caloris nativi sit, ceu in scholis medicis & physicis receptum est, nullum aliud viscus designari meretur, à quo externus calor in quacunque febre cum toto corpore communicari queat, præter ipsum Cor. Idem namque caloris naturalis ac præternaturalis subjectum esse, necessum est.

2. à pulsu, qui est actio cordis à pulsificâ facultate igneque animali seu spiritibus vitalibus sanguini arterioso immersis dependens.

Certum igitur est, COR PRINCIPALE FEBRIS PETECHIALIS ESSE SUBJECTUM.



**SECUNDARIUM** seu adæquatū & extensivum sub-  
jectum sunt partes totius corporis, quatenus exæstans san-  
guis & putredinem concipiens qualitatem suam venenosam  
singulis microcosmi partibus per arterias, & à toto iterum  
cordi per venas circulationis lege communicat.

In specie **PETECHIARUM**, quæ talium, **SUBJECTUM**  
est *epidermis* seu *cuticula*, quod experimento indubitato pro-  
bari potest, vesicatoriis scilicet, à quorum adhibitione unà  
cum cuticulâ petechias tolli certum est, inde nec cuti, nec in-  
tercutaneo spatio adscribendæ sunt. Ut verò corporis sum-  
ma, ita & interiora omnia viscera, musculos, nervos, ceteras-  
que partes solidas obsidere easdem censent nonnulli, ex his-  
que primam ducere originem. *vid. Fernel. lib. 4. patholog. cap.*  
*18. pag. 506.*

Illas tamen partes magis subjici petechiis, certum est,  
quæ rariores sunt, & calore magis foventur, & ab aëre magis  
defenduntur, unde in plantis pedum & volis ferè videri non  
solent, cum occalluerit ibi cuticula, nec facile in facie, utpote  
quæ aëri exposita magis est; exempla tamen, maculas tales  
copiosas occupasse faciem totam vel dimidiam, annotavit  
*Egbertus schol. ad prax. Dodon. cap. 19. pag. 98.*

*Membra ad Cor mandantia* varia esse possunt, inprimis  
alimentorum præparationi, fermentationi, chylicationi,  
chyli in sanguinem mutationi, sanguinis perfectioni, ac de-  
nique distributioni destinata vasa ac viscera, quæ tantum sæ-  
pe ut ad febris cujusvis, ita & petechialis generationem face-  
re possunt, ut nonnulli, inprimis *Helmontius*, hæc ipsa pro  
affectâ parte, ceu vero febrium subjecto, venditent; *vid. Bar-*  
*bett. prax. l. 3. c. 3.* cum tamen subjectum potius causæ dicendæ  
sint, quàm morbi.

#### CAPUT IV

causam immediatam & mediatas  
proximiores investigat.



**M**orborum CAUSAS quò exactius quis cognoverit, eò tutius, citius & jucundius morbo ejusque causis opponere remedia poterit. Conabimur & nos easdem scrutari, iisque compertis tanquam fundamentis totum curationis ædificium superstruemus.

**IMMEDIATA** Febris Petechialis CAUSA est PECULIARIS SANGUINIS cum putredine conjuncta CORRUPTIO. Ex corruptione prava & venenata emergit qualitas; ex putredine verò febris generatur.

*Per peculiarem sanguinis corruptionem*, missis jam aliorum opinionibus, intelligimus illum massæ sanguineæ statum p. n. quo insignem patitur resolutionem, & non solum in temperie suâ turbatur,  $\Delta$ reis exsuperantibus particulis; sed & consistentiæ ejusdem &  $\sigma\upsilon\sigma\tau\acute{o}\varsigma$  reseratio intentatur à salinis volatilibus regi impatientibus, adeoque conjunctam habet 1. *ebullitionem continuam*, quâ tumultuatur, fervet, & cordi facessit negotium majus. 2. *putredinem enormem*, non quidem Aristotelicam & propriè dictam; sed oppositivam & particularem, quæ inchoatam solum importat dissolutionem. 3. ex his ortam *malignitatem*, seu illum putredinis gradum, qui magis vel minus aptus natus est destruere penitus sanguinis vinculum, & in ichorem resolvere. Hinc, ut verbis utamur *Nobilissimi D. D. Præsidis in tract. de febr. MS. cap. de febre Petech.* petechiæ sunt quasi flores quidam à sale volatili sanguinis orti, quando natura resolutionem sanguinis totalem averfata particulas  $\ominus$ linas volatiles,  $\Delta$ reis tamen impurioribus implicatas, ad extimam vestem protrudit, unde in maculis his purpureis virulentiae phænomena in minori mole consistunt.

**CAUSA MEDIATA PROXIMIOR** est SANGUIS, isque vel *quantitate* in plethorâ, vel *qualitate*, in cacochymiâ, vel *motu* in obstructionibus peccans.

*Plethoram* non tam ad vasa, quam ad vires intelligimus, in quâ cum sanguis à naturâ non ita gubernetur, & in totius nutrimentum veniat, facile, nisi in tempore succurratur, corruptionem & putrilaginem concipit.



*Cacochymia* seu vitiosorum humorum congeries facile corruptioni atque putredini fores pandit, in primis biliosa, quando ex hypothesi *Nobilissimi D. D. Presidis*, quam nobis hactenus explanavit, alimentarius princeps humor sanguis inquinatus est scoriis biliosis; minister verò seu serum illas non mitigat, sed divortium elementis cruoris importat, seu quod deficiat, quod experimento in V.S. agrotantium horum patet; seu ob abundantes particulas salinas ipsis Aëreis penitus incoquitur: quo de *in citatâ febrium doctrinâ* pluribus agit passim.

*Obstructiones* tandem omnium febrium genera inferre valent quatenus humores in calido & humido spatio latitantes, si debita & sufficiens transpiratio denegetur, ad recipiendam putredinem promptissimi redduntur.

CAUSA EFFICIENS apud medicos multis controversis est implicata. Alii enim naturæ robore, adeoque *criticè*; alii ejusdem infirmitate, atque sic *symptomaticè* petechias erumpere contendunt.

Ut nostram mentem in tanto dissensu aperiamus, notari meretur:

1. quamcunque vitiosi humoris, præsertim ad corporis superficiem exclusionem, naturæ, se ab eo, quod sibi molestum est, & seditionem facere cœpit, liberare cupientis, robore adoriri. Humorem peccantem cogit à massa sanguinis absistere & abscedere, ut hoc loco κατὰ τὸν τόπον per depositionem disjergatur, & in totum ferè sparsim disseminentur exanthismata, morfiunculis pulicum similia. Vid. *Linden. meletem. med. Hippocr. sect. 2. cap. 24. pag. 82.* Admonetur autem natura & invitatur ad expulsionem, vel à materiæ quantitate, & mole, vel qualitate, vel utràque simul.

2. Naturam in opere hoc non confusè; sed distinctè, observato certo ordine, procedere. Nihil enim, modò omnia tanquam in instructissimâ œconomiâ rectè fiant, & ipsa non turbetur, nisi rectè præparatum, & ad exitum maturum extrudit. Quoniam verò præparatio hæc in momento fieri nequit, sed moram aliquam requirit, patet, criticam, seu naturæ

viris



viribus institutam, adeoque laudabilem evacuationem in morbi principio nullam fieri posse: sic enim non *criticè*, hoc est, spontè & proprio motu ac conatu; sed coactè seu *symptomaticè*, materiæ scilicet malignitate irritata eam tentat; & si talis dicenda sit, legitimâ, & ad præparationem sufficiente morâ prægressâ fieri necesse est.

Hinc etiam saniores medici, inprimis *Sennertus l. 4. de febr. c. 13. p. 517. triplicem* in corpore nostro naturæ, quem tum in aliis evacuationibus, tum & in petechiarum ad extremam corporis superficiem eliminatione observat, motum adverterunt:

1. *Criticum*, quo materia superata, & ut decet, cocta die critico a malsâ sanguineâ secessum, naturæ præsertim vigore adjuta, meditat, quo ipso partes corporis internæ à vitiosis humorum colluvie liberantur, ipsi in locum à caloris fonte remotissimum excutiantur, malignitati fomes subtrahitur, & morbus salutari & lætabili eventu solvitur: id quod tamen in petechiis minus frequens est.

2. *Symptomaticum*, quo rudis adhuc & indigestus humor initio morbi, atque sic ante sufficiens ac legitimum coctionis tempus, exitum parat: quod sæpius in petechiis observatur: vel, quando natura, uti dictum jam est, refugit exterminium sui, & hinc coactè & irritò sæpe conatu expulsionem incumbit, & tunc inprimis, juxta *Sanctorium Med. Stat. sect. 1. aphor. 105.* peticulæ fiunt, quia maligni ichoris perspiratio impeditur.

3. *Medium*, quo naturæ vigor & materiæ cruditas ambigunt, & in æquilibrio pendent, ubi scilicet natura mediocribus viribus materiæ digestionem aggressa, illam ex parte corrigit, & præeuntibus quibusdam coctionis signis nec vincens robore penitus, nec succumbens tamen, sed contra nitens exclusionem instituit.

Suppositis his petechiarum ad corporis extrema eruptionem, interdum quidem *καλῶς*, ut plurimum tamen *συμπτωτικῶς* fieri, colligitur.



CAPUT V  
in mediatas causas remotio-  
res inquiri.

INTER NATURALES excellit.

TEMPERAMENTUM *calidum & humidum*, quod corruptionem & putredinem facile admittit, & febris petechiali planam viam sternit. *Siccum* etiam bili generandæ humorumque exaustuationi & ebullitioni favet.

ÆTAS nulla quidem ab hac febris immunis est ac libera, præprimis verò *juvenilis* ad fomitem malignum febrilem suscipiendum magis prona est. Visæ sunt febres petechiales corripuisse & è medio sustulisse *senes* rarius; *consistenti* verò *etate*, quæ prona ad febres ardentes dicitur 3. apb 30. plurimos, rarius *infantes & pueros*.

SEXUS neuter principatum obtinet. *Fæminæ* tamen ob humidiores constitutionem huic morbo habiliores: *Mares* verò acrius & vehementius eodem corripitur videntur.

HABITUS CORPORIS *rarior* ob pororum amplitudinem tam ad contagium suscipiendum, quam vitiosorum in corpore latentium humorum turbam, & ferocientium amplius spatium, si leve occurrat erratum, reliquis magis idoneus est. Quod si verò malignitatis gradus exsuperet, etiam promiscue magis hos illos corripit morbus.

RES NON NATURALES τὸ σῶμα ἐξ ἀνάγκης αἰσθησέμεναι, corpus nostrum necessario immutantes, quando à temperie suâ nostro calori innato debitâ deflectunt, malignorum & venenosorum morborum matres esse possunt. Primum ex his locum obtinet, quo ne ad momentum quidem carere possumus.

AER, *tum* is, qui pulmones inspiratione ingreditur; *tum* is, qui cum alimentis consociatur; *tum* & is, qui corporis nostri superficiem circumcirca cingit & in cutis poros se insinuat. Et prout hic omnibus communis hominibus est, ita communes etiam illius vitium morbos inferre potest. In-

primis



primis multum valet ad *συστασιν* & *αργασιν* sanguinis alteran-  
dam.

Vitium verò contrahit & infestus nobis redditur *tribus*  
*modis*:

1. Si suavibus ac salubribus ventis, ipsum depurantibus &  
impuritates ejus discutientibus, quales sunt, subsolanus, favo-  
nius, & boreas, non agitetur, sic enim facile putrescit, & flam-  
mulæ nostræ vitalis pabulum simul inquinat. Hinc & *divinus*  
*senex* gravissimam pestilentiae constitutionem, quòd sine au-  
rà annus fuerit, *l. 3. epidemior.* exaggerat.

2. Si tetrìs, putridis ac malignis exhalationibus & mole-  
culis inquinetur, & contagii vehiculum fiat.

3. Si primarum qualitatum excessum patiatur præpos-  
terum, & inæqualitate peccet, *ὅταν τ' ἡμέρης ὅτε μὲν θέραι, ὅτε  
ψύχει γίγνηται*, quando eadem die modò calor modò frigus sit. *3.*  
*aph. 4.* ita enim vitiosis & malignis humorum mutationibus  
fores patefiunt. Præprimis verò æstate juxta *3. aphor. 21.* fre-  
quentius creduntur ingruere malignæ Petechiales, unde *San-*  
*ctorius l. c. sect. 2. aphor. 35.* adiapneustiam æstate malignam fe-  
brem, hyeme vix minimam alterationem efficere posse, scribit.  
Verum id experientia in nostro climate refutat, quin sæpius  
observavit febres petechiales apud nos grassari hyeme Nobiliss-  
mus D. D. Præses, quam æstate.

Non multò minoribus post aërem viribus ad Petechias  
generandas pollent ALIMENTA & POTULENTA, pro fu-  
turo ignis vitalis fomite assumpta. Certum enim est & extra  
omnem controversiam positum, ex vitioso victu in numero-  
rum morborum apparatus contrahi: hinc & *Galenus lib. de*  
*cibis bon. & mal. succi & 1. de differentiis febrium cap. 3.* corrupta  
& vitiosa alimenta malignorum quoq; & pestilentium mor-  
borum promptissimum incentivum præbere, invictè demon-  
stravit. Eadem incommoda & POTUS inferre potest,  
quando vina generosa copiosius, vel corrupta & vapida bi-  
buntur: vel aqua ex cœnosis piscinis, putridis stagnis & lacu-  
bus, aliisque locis quietis, aut alio quovis modo inquinatis  
hauritur.



Notabile hanc in rem exemplum ex *analectis Nobiliss. D. D. Præsidis* citamus. Diu in Insula *Melita* seu *Maltâ* mense Augusto febres pestilentes viguere. Has refundebant quidam in malignitatem aëris : sed demum observatum, luem existere, quia tunc lina aquis intingebantur : id prohibitum cum esset, annis consequentibus disparuere febres, referente *Bosio in historia Melitensi*, quod ex illo allegat *Briet. Parall. Georg. Vet. & Nov. tom. 2. part. 2. lib. 1. cap. 6. pag. 1046.*

Hæ duæ res non naturales modò recensitæ maximarum ad febrium petechialium productionem sunt virium.

Cæteræ verò magnæ quoque sunt efficaciæ, & concurrunt itidem ut causæ *æterna* (*æterna*), occasionales & adjuvantes, vel humores ad malignam hujusmodi corruptionem suscipiendam idoneos reddendo, vel generatum affectum, latentem tamen & sepultum commovendo, turbando, & in apicum producendo.

MOTUS tùm corporis tùm animi ad excitandam flammam vitalem, spiritus agitando, & calorem præternaturalem concitandum, maximam obtinet vim, præsertim in corpore cacochymico intempestivè institutus, adeò ut non desint, qui statuunt, ex motu nimio febrem malignam oriri posse, etiam absque præcedente contagio.

VIGILIIS continuatis efferantur spiritus, serum labascit & dissipatur, ipsaque sanguinis purpura nimiam rarefactione facile fatiscit in pejorem statum.

ADIAHNETETIA & pororum constipatio frequentissima tum in genere aliarum, tùm in primis petechialis Febris mater est. Tunc enim, verbis *Excellentissimi D. D. Præsidis loco citato*, quasi condensatur sanguis, & fuligines præter & acidæ retinentur, hinc intestinus motus & ebullitio. Par ratio est reliquorum excerni vel retineri solitorum.

ANIMI PATHEMATATA quasi immediatum in spiritus habent imperium, unde *ἡ ζέως τοῦ θεοῦ τὸ πᾶν καὶ δόξα* *ἡ ζέως*, terror, timor, toto die funestum hunc procidunt inimicum.

EX PRÆTERNATURALIBUS non exigui momenti est epidemium in morem grassantis hujus mali hostilitas,



tas. Hâc enim humores ad putridas ac malignas impressio-  
nes disponuntur. Symptomaticam petechialem Febrim in  
inflammationibus perniciosis notavit *Neukranzius* : cui sub-  
scribit *Jonston. loco supra c. 1. citato*. In dysenteria epidemia plu-  
rimos simul correptos petechiis fuisse annotavit in frequen-  
ti praxi sua *laudatissimus D. D. Præses*, variolis item malignio-  
ribus non rarò interspersas vidit, ut alia brevitatis causâ hîc  
non recenseamus.

## CAPUT VI

### Differentias excutit.

**H**Æ desumi possunt ex *triplici* fonte :

I. Ex FORMALISATIONE: & 1. quidem  
ratione IDEÆ FEBRIS. *Aliquando* febris hæc ad putrida-  
rum naturam accedit, & tunc mitior est: *interdum* maligna-  
rum exquisitarum classi se adjungit, & tunc aliquando con-  
tinens est, aliquando continua periodica.

2. IPSARUM PETECHIARUM 1. in *quantitate*, tum *con-  
tinuâ*, aliæ grandiusculæ, aliæ minores; tum *discretâ*, jam co-  
piose sunt, jam paucæ. 2. *Colore*, aliæ rubræ, à sanguinis pu-  
rioris corruptione: aliæ flavæ vel virides à bile: aliæ puniceæ  
vel nigræ, ab humore atro. Petechias *nothas* seu *spurias* ex *Za-  
cuto* non malignas: ex *Marcello Donato* cum miti, quandoque  
sine feбри, annotavit *Jonst. Syntag. med. pract. part. 3. lib. 2. tit. 7.  
c. 2. artic. 3.* id etiam *Nobiliss. D. D. Præses* se vidisse refert *l. c.* in  
fœminis suppressione mensium laborantibus & pueris.

3. VEHEMENTIA, symptomatibus jam *mitioribus*, jam  
*vehementioribus* affligit, jam *magis minusve* maligna est.

4. MOTU AC TEMPORE: jam *longiori* jam *breviori* inter-  
vallo sua decurrit tempora. *Æstate* aliæ, aliæ *hyeme* invadit.

II. Ex MATERIALI seu SUBJECTO. Aliæ *majo-  
rem solidæ cordis substantiæ partem* occupat, aliæ *minorem*.  
Petechiæ nonnunquam per *brachia*, circa *claviculas*, per *dorsum*  
&c. solum dispersæ sunt.

III. CAUSARUM ratione totuplex, quot recensitæ  
fuere causæ, assignari potest.



## De Signis Diagnosticis.

**T**anta signorum diagnosticorum est *necessitas*, quanta auctor *Tralliani l. 9. cap. 1. sententia*, *veritas est: ἐξ ἧς ἰατρικίας πηδάλιον εἶναι ἢ ἀγνοώσις*, *internotio recta surtionis est fundamentum*.

Eandem internotionem & in nostro affectu sciscitabimur, & quibus arietibus corpori nostro insultet, dispiciemus.

**SIGNA IMMINENTIUM** febrium Petechialium & aliarum malignarum, *regioni* toti quidem, si epidemia sit lues, ex aëris, aquæ & terræ insolito statu, & insignibus mutationibus aliquo modo desumi possunt, qualia phaenomena pestem præprimis præcedere solent. *Individuo* verò huic vel illi imminere febrem hanc concludi potest, si grassetur in urbe, vel vicinîâ eadem, quando corripunt *κόποι ἀντόματοι*, *lassitudines spontaneæ* 2. *aphorism. 5.* terror prægressus, contagium, torpor, gravitas & quasi confractio membrorum, alique similes morborum nunciî.

**ADVENTANTEM** jam & **PRÆSENTEM** varia demonstrent signa, licet collectivè & conjunctim consideranda.

**I.** *Ἀπὸ τῶν ἐνεόντων καὶ τὸν τ' εἰσὶν λόγον*, **AB ESSENTIALITER INHÆRENTIBUS**; Accedit **HORROR**, seu horripilatio, præsertim in dorso, ita interdum, ut ægri causentur injurias aëris, nec calefieri satis posse corpus querantur, delatis quippe ad partes sensiles unâ cum alterato sanguine halitibus acribus & mordacibus. Succedit **CALOR** præternaturalis, levior quidem visus, præsertim, si aëri adhuc exponatur corpus, & uti ferè fieri assolet, ægris aliud potius quidvis accusantibus, quam febrem, quam tantopere averfantur, hinc verò ingravescens, licet ut plurimum, cum mitior sæpè appareat, quam in benignis, fallat vel hoc nomine ægros, donec tandem vires vacillent & decumbere cogantur, magno cum damno suo tamdiu sæpè contranitentes.

Hinc **II.** *τὰ ἐξ ἀνάγκης ἐπόμενα* **POSTESSENTIALIA** symptomata omnis generis pleno impetu erumpunt,



v.g. in ACTIONIBUS LÆSIS FACULTATIS NATURALIS, omnis emoritur *appetitus*, nausea interdum & vomitus, ut non rarò videatur credulis ægris stomachi vitium, singultusque subsequuntur. *Sitis* vel immodicè torquet, nec æstuantia viscera solatur potus etiam largior, vel præter rationem cessat.

In FACULTATE VITALI vires desubitò vacillant, languor adest magnus, præter rationem, magis quàm vel morbi duratio, vel febrilis calor, vel alia occurrentia videantur inferre posse; imò de hoc solo ferè conqueruntur sæpè, quod & potissimum malignitatis *νεκρῶτος*, pulsus primò validus & citatior, hinc symptomatibus in lucem prodeuntibus majoribus frequens, inordinatus, & inæqualis micat. Sæpè etiam intermittit, qualia exempla vid. apud *Wierum in observ.* p. 65. seqq. idemque observavit *Nobilisf. D. D. Præses* anno II. *ephe-mer. German. obs.* 237. p. 339. Respiratio difficulter procedit, anxietas urget, cor tremit, & in dispositis nonnunquam lipothymia succedit.

Notandum tamen hoc loco, quod *laudatissimus D. D. Præses* nunquam ferè potuerit deprehendere, calorem & pulsum respondisse penitus naturali, quod vulgò scriptitant contingere, adeoque id omne intelligendum esse credit non tam ratione Medici prudentis, & in œconomiâ microcosmi experti, quàm respectu ægroti, cujus opinioni ita videtur. Signa ergò hæc non tam apparenter, quàm reverà majora sunt.

In FACULTATE ANIMALI, dolor capitis, vigiliæ urgent, somnus inquietus, turbulentus, laborem faciens, interdum & dormiendi invitat necessitas, deliria & furores non rarò in augmento succedunt, aures tinniunt, obsurdescunt, sapores deficiunt, oculi scintillant, torvum vident, rubent, lingua scabra fit, aret, nigricat, finditur, tussis sicca, corporis jectigatio, inquietudo & motus convulsivi metuendi.

In EXCRETIS cutis squalida, rarius uvida, vel sudores frigidi, fluxus alvi biliosi facile oriuntur, alvus tamen communiter magis obstruitur, stillant nares sanguine, urina ruffa, tenuis, aliquando sanorum similis, cum humores plus



malignâ qualitate peccant , quàm putredine. Lumbrici ex-  
cernuntur quandoque.

In QUALITATIBUS tandem MUTATIS præ-  
cipuè notandæ petechiæ, quæ cum essentialibus morbi signis  
præcipuè hanc febrem notant. Γίγνοντο γὰρ, verba sunt Aëtii lib.  
5. cap. 130. ἐξανθήματα καὶ ἀρχαὶ τῶν πυρετῶν, ὅτε ἀπολυστέων, ἀλλὰ  
κακοχυμωτέων, ὥς ὅλον τὸ σῶμα μάλωπες ἐμφερεῖς τοῖς ἀπὸ  
κωνώπων δήγμασιν. In ipsarum verò febrium principio non simpli-  
cium, sed malignarum gignuntur quoque exanthemata, sparsim per  
totum corpus vibices, aut maculae culicū morsibus similes. Maculæ  
hæ colore, numero & aliis variant, ut plurimum sunt ex nigro  
rubræ, seu puniceæ, rubentes exactè nunquam observavit No-  
bilisf. D. D. Præses, præterquam in benignioribus. Et hæ po-  
tissimum constituunt particulare hujus febris signum, die  
quarto, septimo, vel serius ut plurimum erumpentes: Reliqua  
jam recensita aliis quoque communia sunt malignis. Ne-  
que hæc adeò nova sunt producta, quin Nobilisf. D. D. Præses  
in MS. de febribus citato ex Hippocrat. lib. 7. epidem. cap. 41. textu 31.  
observavit, mentionem ibidem fieri ὡς τὸ ἀπὸ κωνώπων ἀνα-  
δηγμάτων, velut culicū morsuum, lethali cum eventu.

Cum verò exanthemata in febribus malignis latè admo-  
dum pateant, notis opus est quibus petechiæ ab aliis tum ma-  
culis, tum protuberantiis sint discernendæ. Id optimè fieri  
potest, si notemus earundem descriptionem & affectiones, re-  
censitas à Martiano loco citato. 1. enim in his cutis plana est, solo  
colore vitata, unde differunt à morbillis, à scabie, & variolis,  
asperitatis & aliorum accidentium, quibus hæc insignita  
sunt, defectu. 2. In petechiis nullus omninò pruritus adest, un-  
de differunt à lichenibus, scabie, erysipelate. 3. figura, locus,  
adjuncta symptomata alia easdem à maculis scorbuticis, næ-  
vis, lentiginibus & similibus discriminant.

## CAPUT IIX

### Signa Prognostica examinat.

Ab solutis signis diagnosticis pergimus ad PROGNO-  
STICA.

Quoad



Quoad SALUTIS & MORTIS prædictionem GENERIS ratione ab ESSENTIALITER INHÆRENTIBUS febris hæc est morbus *acutus*; jam verò generali Cui effato 2. *aphorismi. 19.* τὸ ὀξέων νοσημάτων ἐκείνων ἀσφαλές αἰ ἀπερδια-  
γοῦσθαι, ὅτε τὸ θανάτου, ὅτε τὸ ὑγείης. *In morbis acutis non omni-  
nò certæ sunt salutis aut mortis prædictiones; Adeoque ἐνδοιαστὸς  
dubius & periculosus, quo ipso tamen innuitur, non æquè sem-  
per esse lethalem, sed multos feliciter evadere.*

*Magnus est morbus, Ἀπὸ τοῦ κέντρου τοῦ πεπυκνωμένου τοῦ μορίου, ob  
affectu partis præstantiam, in corde & totâ massâ sanguineâ in-  
cendium viget, quò major hîc calor præternaturalis, eò peri-  
culum majus.*

*Magnus est & periculosior ratione Ἀπὸ τῆς ἰσχυρῆς dispositio-  
nis, si dissimilis sit ætati, anni tempori, & naturæ, 2. aphorism. 24.*

*Magnus est denique ob κακὴν ἑσπέραν, quò magis in homi-  
nes grassatur, quò plures eodem tempore decumbunt, quò  
plures obeunt, eò periculosior.*

*Magnitudo verò hæc non tam spectanda est κατ' ὄψιν  
καὶ φαντασίαν, blanditur enim & fallit iustar canum, qui minus  
latrant, acrius mordent, iustar aquarum lento gradu profun-  
ditatem abscondentium, quàm κατ' ἐνέργειαν & malitiam, quam  
in recessu gerit.*

*POSTESSENTIALIA symptomata, si gravia statim ir-  
ruunt, si majori recessu à statu naturali, pejus omen præbet  
febris; sin mitiora reverà, melior affulget spes, & quidem*

*In facultate vitali, pulsus in magnitudine constans, & æquali  
tenore micans, nec in pejora indies ruens, spem semper præ-  
stat meliorem, utut calor & intemperies multum & intense  
urgeant; sin parvus sit, inordinatus, & inequalis, periculosa ple-  
num opus alex exhibet, præcipuè si mox in initio deprehen-  
datur debilior. Intermittens pulsus non adeò malus semper  
est, si crebriori ictu natura se superiorem monstret, morbus  
rariori interpolatione ejusdem minorem, quo de videri pot-  
est Wierus observ. l. c. sic etiam bonum est, si vires non statim  
citra rationem labascant, sed consent in æquilibrio, si minor  
anxietas, si respiratio non sublimis. His contraria si occur-*



rant, sinistri eventus metus imminet. In genere cum Sennerto concludere possumus: Quò vires fortiores & symptomata mitiora sunt, eò melior morbi eventus sperandus; Contrà, quò vires debiliores, & symptomata graviora, eò morbus est periculosior.

In naturali cibi & inprimis carniùm fastidium adeò malum non est, quin ordinariè, non priùs ferè plenariæ restitutionis spes est, quàm has iterum appetere incipiant. *Sitis àustre & incompefcibilis*, cui nullus humor sufficit ad satiandum, loquimur cum Senecâ, cujus desiderium non ex inopiâ, sed ex æstu ardentium viscerum oritur, malum est signum. Deficiens verò peior, siue priùs intensa fuerit *ὁδύνη ἀνδρείου*, præter rationem soluta, Hippocr. Coacar. prænot. text. 87. siue minus. Notat quippe, naturam non sentire amplius stimulos, & succumbere. Ad oblata verò bene se habere, bonum est.

Ex animali, delirium statim in principio accedens & urgens, quod à somno non compescitur, oblivio, negligens decubitus, & denudatio indecens, motus convulsivi, tremores, vigilie contumaces, singultus, prava signa sunt. Inprimis singultum, tanquam signum ad mortem in febribus malignis prædicendam se nunquam decepisse, Epiphân. Ferdinand. Deum testatur.

*Baguna* verò in febribus malignis & petechialibus non æquè mala est ac cætera symptomata, sit enim ob materiam ductum cartilagineum in palatum ex aure meantem obstruentem, quæ sæpe desinit in ptyalismum, teste Sim. Pauli, digress. de febr. malign. pag. 16. 17. Hoc semper optimum prælagium innuisse circa declinationem, seu post statum, observavit celeberrimus D. D. Præses. Oculi si ferociam præ se ferant, cum aliis signis malis, rarò evadunt ægri, ut & rarenter evadunt illi, quibus sine ophthalmiæ indicii bulbi oculorum dolent.

In EXCRETIS petechiæ die nono, undecimo, apparentes, cum signis coctionis & virtutis robore adeò malæ non sunt semper, sed vitæ præcones quandoque. Contrà, si statim in principio erumpant, si lividæ aut nigre, si paucæ vel copiosissimæ, malum est signum, præcipuè, si cum respiratione difficili & anxietate ad interiora fiat recursus. Reliquæ excretionis species, hæmorrhagiæ, sudores, alvi dejectiones, moderandæ



randæ sunt secundum *Ὁφείτωρ* tolerantiam, & secundum hanc, eorumque conditiones prognosticum faciendum. Aliquoties vidit *Excellent. D. D. Preses* sanguinis sputum conjunctum bono cum successu, tussim etiam non malam notavit.

**QUALITATIS MUTATÆ.** *Facies Hippocmatica* in prenot. text. 2. descripta, *ὄφθαλμος δεινός τε*, horrendissima est, *ὕψι στυγερῶς* *ἰσχυρὰ σπυρον*, brevi lethalem fore notat, signis aliis præsentibus.

**CAUSÆ** intuitu peiores sunt febres petechiales à domestico vitio, quàm à contagio, peiores ex, quæ maligniores.

**Ratione DURATIONIS** brevis est hic morbus, nisi enim primâ suffocetur in herba, acutorum more intra 14. dies finiri solet, 2. aphorism. 23. si vires consent & nullus error committatur.

**MODUS EVENTUS** variat. Solvitur enim crisi **AD SALUTEM**, per *narium hæmorrhagiam*, vomitum, *diarrhæam*, *abscessum*, vel etiam *diaphoresin*, discussâ materiâ morbificâ, & restituto sanguinis tono, ubi sæpe levis horror non infelix est nuncius.

**AD MORTEM** terminatur *motibus convulsivis*, *hæmorrhagiâ symptomaticâ*, diffuente quasi cruore, nec amplius in alveis suis contineri apto, sudoribus frigidis.

## CAPUT IX

Ad curationem se accingit, & Fontem Chirurgicum aperit.

**CURATIO** febris Petechialis absolvitur **METHODO MEDENDI & PRÆSIDIORUM MATERIIS.**

**METHODUS MEDENDI** nititur **INDICATIONIBUS**, tum **CURATORIA**, quæ ipsi morbo ejusdemque causæ immediatæ debetur, partium æstus mitigat, humorum fervorem temperat, eorum malignitatem ad benigniorem mentem reducit, & naturam per loca convenientia se exonerantem adjuvat: tum **PRÆSERVATORIA**, quæ causas remo-



tiores respicit, corruptos scilicet humores, malignitatis nidum, corrigit, digerit, evacuat, atque sic, ne malum augeatur, vel profligatum redeat, omnem lapidem movet: tum VITALI, quæ vires tam suppressas & succumbentes reficit & confortat, quàm præsentis in vigore conservat.

PRÆSIDIORUM MATERIÆ desumuntur ex famosissimis fontibus, CHIRURGIA, PHARMACIA, & convenienti rerum non naturalium regimine, seu DIÆTA.

E fonte CHIRURGICO prodeat celeberrimum illud auxilium, VENÆ SECTIO.

Magni momenti quaestio est, *an in febris petechiali sanguinis missio ex usu sit?* ubi tres fere classes offendimus autorum.

*Alii* promiscuè illam præcipiunt, innixi fundamento *Galenii lib. 11. methodi med. cap. 15.* quod venam secare in omnibus febribus, quas putrescens humor accendit, saluberrimum sit, cum levata natura parte oneris felicius faciliusque cum hoste prælium inire, & victoriam reportare possit.

*Alii* penitus eandem proscribunt, nixi præter autoritatem rationibus & experimentis. Rationes potissimæ sunt: 1. quia vires ita debilitantur, quarum ratio maxima habenda, neque enim tam, malignum quod est, educi, quàm ipsum virium fontem, bonum quoque & potissimum quidem, sanguinem. 2. quia venenum longè potentius tunc prædominium acquirit, & tumultuatur, dempto freno. 3. *Experientia Fracastorii, Brunneri, Thoneri l. 1. observ. med. 33. Mindereri, & aliorum* prostat, malè cessisse V.S. omnesque eos, quibus secta fuerit vena, fatis occubuisse.

*Alii* denique non ἐμπειρικῶς & promiscuè V. S. admittunt vel rejiciunt, sed quid facto opus sit, ex circumstantiis colligunt. Verum est, variare malignitatem, & quandoque malè cedere V.S.; sed alio tempore visum quoque est contrarium penitus, illos scil. mortuos fuisse, quibus remedium hoc adhibitum non erat. Unde regulæ loco esse potest præceptum *Hippocratis* in acutis morbis venam secandam esse, ἢ ἰσχυρὸν Φαίη) τὸ νόσημα, *si vehemens appareat morbus, si major calor, quàm malignitas, si plethora juncta ipsa quoque mini-*  
tetur



tetur periculum majus, aliaque adsint urgentia. 2. Καὶ οἱ ἔχον-  
τες ἀκμάζωσι τῇ ἡλικίᾳ, & qui ipsum habeant, in vigore ætatis fue-  
rint, nec senes sint decrepiti, nec pueri; sed in flore ætatis con-  
stituti. 3. καὶ ῥωμὴ παρῇ αὐτέοισιν, & virium adfuerit robur. Hæ ve-  
rò minus adhuc attritæ sunt in principio, unde Crato rectè vel  
ante tertium diem sanguinẽ mittendum, vel prorsus omitten-  
dam esse illius emissionem suadet, lib. 2. consil. 28. pag. 213. & lib.  
3. consil. 16. pag. 87. Adde, quod experientiã Excellentissimi D. D.  
Præsidis loco cit. magis conveniat, si sero abundaverit magis  
sanguis, minus verò in statu contrario, & quidem, uti dixi-  
mus jam, vel primo vel secundo statim die.

*Quantitatem* indicant, tum ægri constitutio, tum morbi  
vehementia, tum vires præsentis ac futuræ. *Locum* determi-  
nant itidem ægri constitutio, nec non sexus. Suppressis  
mensibus vel hæmorrhoidibus pes, alias verò brachium esse  
potest.

Vicariæ V. S. sunt CUCURBITULÆ, quas, circumstan-  
tiis tamen itidem ponderatis, in malignis pulicaribus & pe-  
stilentibus febribus, præcipuè in apparitione exanthematum,  
sive critica fuerint, sive symptomatica, profuisse, experientia  
testatur. Vid. B. Rolfincius ord. & meth. comment. lib. 4. sect. 4. c. 1. p.  
395. Confer River. l. 17. cap. 1. p. 655. Sic etiam Crato lib. 1. epist. 11.  
p. 221. scarificationes, & omnes cutis exulcerationes, quò &  
VESICATORIA spectant, plurimum laudat.

Commendata itidem ea ipsa sunt à Lotichio lib. 5. observ.  
medic. 15. cap. 7. & excellentissimo Horstio decade epistolar. medicin.  
epist. 10. & à B. Rolfincio sæpius cum fructu in usum tracta fue-  
re. Conferri meretur Galenus lib. 5. de simplic. medic. facult.  
cap. 17.

Pertinent huc & FRICTIONES blandæ dorso, manuum  
& pedum, utiliter adhibendæ.

An vero apparentibus petechiis V. S. ex usu sit, legi me-  
retur Neukranzius lib. de purpurâ cap. 24. pag. 385. Banzerus decad.  
med. 3. §. 10. & præ reliquis Septalius lib. 5. caut. 35. Quâ in re uti-  
que & petechiæ, earumque eruptionis modus, & ipsam sub-  
jectum patiens benè consideranda sunt.



## Pharmaciam exhibet.

**F**ons PHARMACEUTICUS omnium primò nobis prabet.

PURGANTIA, quæ *an in hoc affectu sint in usum accersenda?* non levis inter autores est dissensus.

Res distinctione inter *morbi tempora, naturæ motum & purgantium materias* expediri potest.

1. Institui debet purgatio, ut corpus excrementis vacet, initio statim ante tertium vel quartum diem, dum vires adhuc constant, adeoque itidem hoc loco valet regula *Cratonis*, quam de V. S. adduximus, *progressu verò temporis* ab evacuatione abstinendum est. In *declinatione* etiam, febris remittente, circa 14. diem, ut reliquæ malignitatis ac putredinis educantur, administrare purgationem nihil prohibet: imò eadem sæpè opus est, ne propullulent nova symptomata; non tamen id valet, nisi ubi vires permittunt, nec alia adsunt contraindicantia. *Post septimum diem purgare non licet.*

2. Purgante *naturæ motus* adjuvari potest, si inclinatio vel *ad vomitum* adsit, ut si sentiatur ventriculi morsus, vertigo, nausea, &c. vel *alvi fluxum*, si adsit intestinorum aut ventriculi anxietas, ventris inflatio, rugit<sup>9</sup>, flatus &c. si in vasis cacoehymia, vel in primis viis restagnatio humorum id urgeat; si verò crisis aliò tendat, *naturæ motus* purgante non est turbandus.

3. *Purgantia fortiora* utique sunt noxia, quia vires prosterunt, & humores nimis turbant atque commovent. Leniora ab hisce noxis eximuntur; imò, elogio *Brassavole comm. in lib. 4. Hipp. de victu acut. pag. 38.* totis viribus niti debet medicus, ut alvus servetur aperta. Materix possunt esse: *cassia, manna, sirup. ros. solutiv. cum infus. rhabarb. flor. prunor. sylvestr. pulp. tamarind. aloëtica &c.* quibus *Crato camphoram* addi jubet, seu ea, quæ simul ad malignitatem habent respectum.

Rx. aq. card. benedicti, scordii aa. ʒi.

extract. rhabar. ʒ. xv. scammon. ʒ. v.

sir. ʒi gutt. vj. sirup. sambuc. ʒvj. M. f. haustus.

Rx. rad.



Rx. rad. scorzoner. ʒ℞. fol. sen. s. st. ʒiij.  
 rhabarb. Alexandr. ʒij. flor. 4. cordial. āa. p. j.  
 crystall. ☐ ʒj. Coque in sufficienti quant. ▽ scorzon.  
 Colatur. ʒiij℞. adde scammon. rosat. ḡ. v.  
 electuar. diascordii Fracast. ʒj.  
 sirup. flor. acacie ʒ℞. M. F. potio.

Inprimis CLYSTERIBUS ex lenientibus, cum alteranti-  
 bus appropriatis junctis, maximum debetur encomium.

Rx. rad. scorzoner. bismalv. āa. ʒj.  
 herb. galeg. scord. mercurialis, malv. endiv. āa. m℞.  
 flor. chamem. Romani, verbasci āa. m℞.  
 caricar. pingv. prunor. Damasc. āa. n. vj.

Coq. in f. q. feri lactis.

Rx. colatur. ℥j. electuar. lenitivi,  
 diaprun. solutiv. āa. ʒvj. ☉ Cat. ʒj.  
 vitell. ovor. n. j. M. f. clyster.

VOMITORIA nonnunquam in principio non frustraneo  
 cum successu à quibusdam adhibita notavit Excell. D. D. Præses;  
 verum ea consultius non promiscuè & temerè; sed eo tantum  
 casu in auxilium vocantur, quando circa primas vias, uti  
 jam innuimus, colluvies vitiosa id indicat, ubi diatis corre-  
 ctioribus impunè uti licet.

Præmissis hisce, sicubi opus est, febris & humorum fer-  
 vor temperanda sunt, & malignitas corrigenda.

DIAPHORETICA, & ea quidem magis BEZOARDI-  
 CA, ut corpus sit perspirabile, & sanguini sua constet & οὐσ-  
 σης & νεῖσσις, adeoque malignitas exsuperetur, apprimè præ-  
 stant, & reliquis omnibus palmam præripiunt, inprimis cum  
 opera danda sit, ut materia, quam natura ad cutem transmit-  
 tit, expellatur. Uti verò apud Cratonem lib. 2. epist. 37. pag. 408.  
 prudenter Weiseliuss hujusmodi pharmaca in duplicem classem  
 distinxit, ABSORBENTIUM nimirum ἡγὲ ἸΑΡΩΤΙΚΩΝ,  
 quod nisi fiat, multiplex oriri solet ambiguitas & controver-  
 sia; ita distinctio eorundem in volatilia & fixa à famigeratissimo  
 D. D. Præsidi passim notata & inculcata attendi meretur quàm  
 curatissimè.



*Ill*a quidam magis in principio, & ubi intimior malignitas, seu quòd natura in expulsiōe cesset, seu, quòd retrocedere petechiæ videantur, cum respiratiōe difficiliōri & aliis circumstantiis, conveniunt; *Hæc* verò, ubi alteratiōe & præcipitatiōe magis opus est, magis circa statum & declinatiōnem sunt proficua, utraq; pro medici prudentis σοχασµῶ usurpanda.

Ex priorum genere sunt *theriaca*, *camphora*, & inde parata, *Tinctura Bezoardica Michaëlis*, *Rolsincii*, *Nobilissimi D. D. Præsidis*, *mixtura simplex camphorata*, *spirit. Fri*, *C. C. viperarum*, *Elixir pestilential*. *Croll. spirit. Armoniac. olea bezoardica*, *essentia myrrhæ balsamica*, & alia similia, abunde hîc illîc à practicis annotata, tum simplicia, v. g. *angelica*, *petafitis*, *contrayerva*, tum composita plura alia. *Aq. Anbaltina petechialis*, cujus *B. Rolsinc. ord. & method. commentator. lib. 11. sect. 2. cap. 11. meminit*, & compositionem ibidem adducit, utramque hîc facit paginam.

Ex posteriorum classe sunt pulveres bezoardici, *Sennerti*, *Rolsincii*, *Michaëlis*, & aliorum, *bezoardica chimica*, *minerale*, *2ale*, *Oare*, *Öium diaphoretic. pulv. Pannon. rubeus. spec. de hyacinthe*, *lapis bezoar* uterque, licet occidentalis sit mitior, *diascordium Fracast. C. C. philosoph. terra sigillat. Siles. Lemnia*, *bezoardic. animale*, *▽ cordial. H. S.* & quæ ex tanto numero præpollent alia.

Pertinent huc & *sem. citri*, *card. bened. napi*, *aquilegiæ*, *acerosæ*, & exinde paratæ potiones & emulsiones cum *▽ ulmaria*, *persicaria*, *calendula*.

Rx. *mixtur. alexiter. Knöphel. tinct. bezoard. Michaël. aa. 3j.*

*M. D. in vitro. S. Schweißtreibende Mixtur.*

Rx. *essent. camphor. alexit. myrrhæ balsam. a. 3j.*

*spir. C. C. 3ß. sirup. de succ. citr 3ß. M. S. ut supra.*

Rx. *Ö. citr. compos. camphorat. 3ß. S. Balsamisch Herz. Del.*

Rx. *pulv. bezoard. Sennert. 3ij. pannon. rubr. 3j.*

*Öii diaphoretici, ebor. s. ▽ preparari aa. 3j.*

*bezoard. Oris 3ß. M. S. Bezoardisch Herz. Pulverlein auffetlich mahl.*

Rx. *C. C. philos. preparat. 3j. lapid. bezoar oriental. bezoard. mineral. aa. 3j. unicorn. veri,*

*△ solar.*



*Δsolar. āa. ḡ. xv. M. f. l. a. pulv. S. ut supra.*

DIURETICIS etiam improprie dictis, & sanguini suus restitui potest tonus, & ichori à naturâ separato abitus maturabitur, & simul alteratio auspiciata inducetur, quo nomine inprimis *clyssus Ḍii Δatus, Tinct. flor. 4. cordial. acidula, serum lactis caprini, spirit. Ḑl. Ḥtis, Ḑli philosophic. ex usu erunt.*

Hinc & ALTERANTIBUS & CONFORTANTIBUS, sitim præprimis & æstum febrilem simul respicientibus, utendum, qualia inprimis conveniunt *acetosa*, quæ styptica paulò sunt, & tum sanguinis serum augent & diluunt, tum ichore-scentiam impediunt, qualia sunt præter jam dicta, *tinct. violar. borrag. bugloss. magister perlar. corall. tinct. corallior. cum spirit. C. C. inprimis verò temperata: decoctum rasur. C. C. à Simone Pauli tantoperè dilaudatum, digress. de febr. malign. pag. 4. §. 2. decoct. bord. c. C. C. & succo citri, decoct. citri M. ∇ cord. temper. H. S. spec. de hyacinto. confect. alkerm. incompl. & exinde parati pulveres, julepi, emulsiones, potiones, gelatina C. C. dulcis & acida &c.*

*Rx. rad. acetose, scorzoner. āa. ʒj.*

*flor. rosar. rubrar. borrag. bugloss. āa. mß.*

*bord. mund. cerasor. acidorum āa. mj.*

*passular. minor. ʒvj. pom. citr. n. j. cinnamomi acut. ʒij.*

Coque in *l. q. ∇ ad tertias. Colaturæ adde*

*clyss. Ḍii Δtat. q. l. pro gratâ aciditate,*

*confection. de hyacinto ʒj. sirup. corall. Quercet. ʒj.*

M. F. potio.

*Rx. ∇ cordial. H. S. ʒiiij. namphæ, ulmaria āa. ʒj.*

*tinct. 4. florum cordial. ʒij. spirit. Ḑl. philos. ʒß.*

*sirup. rub. idæi, de scorzonerâ āa. q. l. ad gratiam.*

*Rx. sem. nam. citri, cardui benedict. āa. ʒij.*

*4. frig. major. āa. ʒß. ∇ cordial. H. S. sambuci, scorzon. āa. q. l.*

F. l. a. emulsio, adde pulv. bezoardic. Sennerti ʒj.

*sirup. de cort. citr. succ. scord. ā. ʒß.*

M. D. in fictili S. Stårckmilch.

EXTERNÆ pro variâ intentione evocandi, derivandi, revellendi, & confortandi sunt varia, diversis in locis applicanda.



**PULSTIBUS** in **carpo** & **cordi** applicari queunt *epithemata* ad cor, ex zedoaria, citro, camphora, speciebus pro *epithemate* cordis, ▽ *bezoardica camphorata*, † *bezoardico*, balsamo *rutæ pestilent.* ☉ *scorp.* Matthiol. citr. aliisque.

℞. ▽ *carbuncul.* Imper. Max. ℥iij. *rosar. fragrantis.* ℥ij. *cinnamom. meliss. c. vin. aa.* ℥j.

† *rosati* ℥ib. *conf. Atkerm.* ℥ij.

**M. pro epithemate.** S. Herz und Puls. Überschlag.

**FRONTI** *anacollemata* & *epithemata* humectantia ex ▽ *rosarum, samb. rut. verben. nucl. persicor.* pro dolore & vigiliis corrigendis utiliter adhibentur.

**DORSO** *unguentum Aëtii*, ex ☉ & oleo *chamomilla*, vel *scorpion.* potius, additâ *camphorâ* affricare licet, quod in Italiâ mirum cum successu semper adhibitum esse Cinto refert lib. 1. epistol. 11. pag. 221. ad eliciendas maculas, quas potenter evocare testatur idem lib. 2. epist. pag. 419. Oleum ipsum obstrueret poros; sed additum ☉ trum leni frictione aperit eosdem, & exhalationem promovet.

**PLANTIS PEDUM** *naphanus* comminutus, (quod & in **CAPITE** locum habet) prius mundatis iisdem sale & aceto, vel fermentum cum ☉ & † inter linteum duplicatum applicatur. Eadem & spiritu *bezoardico camphorato* inungi queunt.

Quod ad symptomata attinet, vigilias, vel affectus soporiferos, dolorem capitis, vomitus, hæmorrhagias, ardorem & nigredinem faucium, &c. iis ex propriis satisfaciendum, fontibus, hæc semper observatâ cautelâ, ut cum *bezoardicis*, nec sine respectu ad malignitatem iisdem opposita remedia in usum vocentur, quibus jam ulterius non immorabimur,

## CAPUT XI

### Diætam præscribit.

**DIÆTA** restat, quæ in legitimâ sex rerum non naturalium regimine consistit, & triplex est: *Naturalis, Vitalis, & Animalis.*

In **NATURALI** cibi sint humidi & temperati, pro sunt *juscula avenacea cum passulis, gallinarum & caponum cum succo*



*succo citri & aliis condita, caro vitulina, agnina, bovina, cervina, perdices, gallina, capones &c. siquidem agri illis feriendo sint, quod non æquè contingit, concedi queunt. Cibi nimium salsi, saccharati, aromatizati, vitentur, ut & fructus horarii omnes, qui facillè corrumpuntur, & fermentationem sanguini conciliant.*

POTUS largior agris non adeò prohibendus: sit refrigerans ex  $\nabla$  hordei, passulis, rad. scorzonera. Potum continuum, in quo sit C. C. plus auxilii, quam omnia alia medicamenta afferre, serio testatur laudatus sæpius *Gerard lib. 1. epist. 11. p. 221.* Substitui quoque potest gelatina C. C. *Gerard* sit tenuior, defæcata, cum pauxillo spiritus Oli,  $\Theta$ li, vel *vinct. cordial.* permixta. Lac vitetur, argumento *J. aphorif. 65. & vinum* imprimis, cuius potu accelerasse sibi obitum plures visi sunt, teste *Thom. Jordano de pestis phenom. tract. 1. cap. 19. sin  $\nabla$  vel decoctum hordei* arrideat, iisdem & aliis cruditatem emendantibus corrigi poterit.

IN VITALI AER sit ex calido temperatus, ne caliditate continuam augeat febrem, æger loco moderate calido, ab omni aëris injuriâ & intemperie libero, munito, & æquali teneatur. *Frigidus* omnis videtur. Auro digna est observatio sæpius hætenus laudati *D. D. Præsidis* omnes illos, qui se improvidè aëri exposuerunt, hoc morbo detenti, certæ se exposuisse perniciæ, & vitæ instantaneo periculo.

IN ANIMALI SOMNUS & VIGILIAE debitam servant alternationem, quorum alterutra si excesserint, debitis modis corrigantur. Nocet somnus sub primum morbi accessum initus, non prius sumpto bezoardico.

MOTUS intempestivus exalto, & QUIES ægro cordi sit, ut continuatâ diaphoresi corpus exterius mittere possit miasmata, & tono suo pristino restitui.

ALVUS sit aperta; sin cunctetur, elytere aut supposito-rio erit emollienda.



ANIMI denique AFFECTUS, præsertim iram, tristitiam, amorem, quorum magna in sanguinem vis est, sedulo fugiat ægrotus, ne medicus oleum & operam perdat; nec ipse ægrotus opinione majorem sibi malignitatem, ceu certum mortis nuntium, ante oculos sistat, sed potius bonâ spe in DEUM confusus meliora expectet.

Et



Et hæc sunt, *amice Lector*, quæ de FEBRI PETE-  
CHIALI, hoste vitæ hominis mirum quantum! insidias  
struente, brevitati studentes dicere constituimus.

DEO TRINUNI SIT LAUS,  
HONOR ET GLORIA!



Stigmata corporibus gratus minus hospes inurit  
morbus, & hæc turpi fraude malignus adest.

Stigmata Tu deles aptè, reddisque nitori  
corpora; sic laurus parta labore micat.

*Cl. Dn. Doctorando benevolâ mente applaudit & gratulatur*  
Præses.

**M**an Aerkten halt ich viel / von Siebern nichts in allen /  
Doch seynd sie auff Papier viel besser als der Haut /  
Sein Sieber / werther Freund / ist sonder Fleck gebauet /  
Drumb muß es Mir und Dir zu hohen Preiß gefallen.

*Dem Herrn Doctorando, seinem hochwheyrten Gönner und  
Freunde schreibe Glückwünschend zu Ehren*

Theodos. Lehman / B. R. D. und Adv.

**Q**uid Tibi nunc *febris* medicâ confecta palæstrâ  
Portendit maculis hæc variata suis?

Aurum VIRGILIUS de stercore colligit ENNI:

Aurum de maculis qui legat, ecce virum!

Immaculatus honos maculas sed & aureus istas

Consequitur: febris res mala facta bona est.

Quare age sexcentas posthac Tibi milleque febres,

EICHHORNII, ipse insons nec maculatus habe!

*Viro Nobiliss. Clarissimæ, Dn. EICHHORNIO,*

*Med. Ddo. digniss. gratulandi animo f.*

Ejusdem apud Excellentiss. Dn.

D. SPIZIUM, Juridic. Jenens.

CONSALINI

F I N I S.